

# **Inatsisartut inatsissaat Kalaallit Nunaanni Inatsisartunut qinersisarneq pillugu Inatsisartut inatsisaata allannguutaa**

## **§ 1.**

Kalaallit Nunaanni Inatsisartunut qinersisarneq pillugu Inatsisartut inatsisaanni nr. 9-mi, 31. oktober 1996-imeersumi makku allannguutigitinneqassapput:

**1. § 5 ima oqaasertalerneqassaaq:**

"**§ 5.** Inatsisartut 31-inik ilaasortaqassapput. Kalaallit Nunaat Inatsisartunut qinersiviuvok ataaseq."

**2. § 10, imm. 1 ima oqaasertalerneqassaaq:**

"Qinersinermik siulersuisut § 7, imm. 3 naapertorlugu Qinersinermut Ataatsimiititaliamit nalunaarfigineqarsimanertik naapertorlugu piffissaq taasiffissaq piaarnerpaamik nalunaarutigissavaat. Tamatumunnga peqatigillugu nalunaarutigineqassapput taasiartorfissat ataasiakkaat inuillu taasiartorfissani ataasiakkaani taaguinermik siulersuisussatut toqqarneqarsimasut aqqi kiisalu qinigassanngortitanik nalunaarutiginninnissamut killiliussaq."

**3. § 13, imm. 1-imi "Inatsisartunut qinersivimmi ataatsimi" aamma "Inatsisartunut qinersivimmi" peerneqassapput.**

**4. § 13, imm. 2 ima oqaasertalerneqassaaq:**

"**Imm. 2.** Partiip ataatsip qinerneqartussat marloriaataat amerlanerpaamik qinigassanngortissinnaavai."

**5. § 14, imm. 1-imi aamma imm. 3-mi "Inatsisartunullu qinersivimmi" aamma "Inatsisartunut qinersivimmi ataatsimi" peerneqassapput.**

**6. § 15-imi "Inatsisartunut qinersivimmi" peerneqassapput.**

**7. § 16, imm. 1 ima oqaasertalerneqassaaq:**

"Kinaluunniit partiinut ataatsimit amerlanerusunut qinigassanngortissinnaanngilaq imaluunniit partiimut qinigassanngortiitgaluni partiit avataanni qinigassanngortissinnaanani."

**8. § 16, imm. 3 ima oqaasertalerneqassaaq:**

"Kinaluunniit qinigassanngortittunut ataatsimit amerlanerusunut qinigassanngortitsusuusinnaanngilaq."

**9. § 18, imm. 3-mi "Inatsisartunut qinersivinni ataasiakkaani" aamma "Inatsisartunut qinersivinni" perneqassapput.**

**10. § 19-imi "Inatsisartunut qinersivimmi" peerneqassaaq.**

**11. § 23 ima oqaasertalerneqassaaq:**

**§ 23.** Inatsisartunut qinersivik, kommunalbestyrelsiniut, nunaqarfinni aqutsisunut ilagiillu sinniisaannut qinersisarnerit pillugit inatsisartut inatsisaanni § 5 naapertorlugu, kommuninut taasiartorfinnullu aggorneqarsimavoq.

*Imm. 2. Inoqarfiit kommunit aggornerisa avataanniittut Nuup kommuniani qinersiartorfittut naatsorsuunneqassapput.*

*Imm. 3. Qinersisussat allattorsimaffiat kommuninut tamanut immikkut suliarineqassaaq. Kommuni taasiartorfinnut aggorneqarsimappat qinersisussat allattorsimaffiat taasiartorfinnut tamanut immikkut suliarineqassaaq.*

*Imm. 4. Qinersisussat allattorsimaffianniissapput qinersisartut aqqi aamma qinersisartut ulloq inuuffiat kiisalu qinersisartut aqqinik krydsiliiffissaq."*

**12. § 24, imm. 1-imi "qinersivimmi" imm. 2-milu "qinersiviup iluani" "kommunimi"-nngortinneqassapput.**

**13. § 26, imm. 2-mi aamma imm. 3-mi "Inatsisartunut qinersivimmi" aamma "Qinersivimmi ataatsimi" peerneqassapput.**

**14. § 28, imm. 2-mi "Inatsisartunut qinersivimmi" peerneqassaaq.**

**15. § 33, imm. 1, oqaaseqatigiit appaat ima oqaasertalerneqassaaq:**

"Qinersisartup allanit isigineqarani pappiara taasivik erngerluni immersussavaa partiip qinigassanngortitsisimasup arlaata aqqa imaluunniit qinigassanngortissimasut arlaata aqqa allallugu."

**16. § 38, imm. 4-mi "qinersivimmi" peerneqassaaq.**

**17. § 39, imm. 2, nr. 5 ima oqaasertalerneqassaaq:**

"5) pappiarami taasivissami taamaallaat inuup qinigassanngortissimanngitsup aqqa allanneqarsimappat imaluunniit taamaallaat partiip qinigassanngortitsisimanngitsup aqqa allanneqarsimappat."

**18. § 42, imm 2-mi aamma § 49 -mi "qinersivinni" "kommunimi"-nngortinneqassaaq.**

**19. § 43, imm. 1 ima oqaasertalerneqassaaq:**

"Qinersinermut Ataatsimiititaliap qinersinermik siulersuisunit inernerit tigoreerunigit qinersinerup tamakkerluni inernerera naatsorsussavaa. Qinersinermik siulersuisunit naatsorsuinerup tamakkiisumik inernerri tiguneqarsimannngikkaluarpataluunniit atortussat tigummineqartut malillugit paassisutissat amigaataasut qinersinerup inerneranut sunniuteqartussaanngippata Qinersinermut Ataatsimiititaliaq naatsorsuisinnaavoq."

**20. § 43, imm. 2-mi aamma imm. 3-mi peerneqassapput: "inatsisartunut qinersivimmi pineqartumi" aamma "qinersivimmi".**

**21. § 44 atorunnaarsinneqassaaq.**

**22. § 46, imm. 1 atorunnaassaaq.**

Imm. 2-3 matuma kingorna imm. 1-2-nngorput.

**23. § 46, imm. 1 ima oqaasertalerneqassaaq:**

"*Imm. 1. Partiit kattusseqatigiillu ataasiakkaat qinigassanngortitaat qinigaanngitsulli, sinniisussanik nalunaarsuiffimmi allattorneqartassapput, sinniisussatut Inatsisartunut ilaasortaaitaasinnaanertik malillugu tulleriinnilersorneqarlutik. Qinigassanngortittoq qinigaanani amerlanerpaanit taaneqarsimasoq siulliussaaq. Tamatuma kingorna tulliussaaq qinigassanngortittoq qinigaanani amerlanerpaat tulliinit taaneqarsimasoq, taamatullu ingerlalluni tulleriinnilersuineq ingerlanneqassaaq.*"

**24. § 47 ima oqaasertalerneqassaaq:**

"Qinersinermut Ataatsimiititaliap qinersinermik allattaavinnut allassavaa kikkut ilaasortassatut qinigaasutut isiginerini, qinigaasullu qinigaanerannik allakkatigut nalunaarfugalugit."

**25. § 50, imm. 1-imi oqaaseqatigiit siulliit imatut oqaasertalerneqassapput:**

"Inatsisartunut qinigassanngortittut qinigaasimagunik qinigaasimanngikkunilluunniit, aammalu

qinersisartut kikkulluunniit, qinersinerup atorsinnaassusia apeqquserlugu naammagittaalliuuteqarsinnaapput."

**26. § 53, imm. 4 aamma imm. 5 atorunnaarsinnejassapput.**

**§ 2.**

Inatsisartut inatsisaat 1. december 1998 atulerpoq.

*Namminersornerullutik Oqartussat, ulloq 30. oktober 1998.*

Jonathan Motzfeldt

/

Kaj Kleist

Namminersorlutik Oqartussat  
Imaneq 4  
3900 Nuuk  
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut